

आकाशवाणी

- चुनांस आयोग 9 राज्यें ते 3 केंद्र शासित प्रदेशों च मतदाता सूचिएं दी विशेष नजरसानी आहली प्रक्रिया दा दुआ गेड अज्ज शुरू करने जा'रदा ऐ।
- बिहार विधानसभ लेई पैहले गेड दे चुनांस गितै चुनांस प्रचार अज्ज संझा खत्म होई जाहगा।
- राष्ट्रपति द्रौपदी मुर्मू होर अज्ज नैनीताल च कुमाऊं युनिवर्सिटी दे 20में दीक्षांत समारोह च शामिल होडन।
- रोमानिया नै सलाना 30 ज्हार हुनरमंद पेशेवराना भारतीयें गी रोजगार देने दी पेशकश कीती ऐ।
- ते शतरंज च नारायण एस.एल, दिसयान घोष ते अरोन्यक घोष फिडे विश्व कप 2025 दे दुए गेड च पुज्जी गेन।

<><><><><><>

EC-SIR

चुनांस आयोग अज्ज अपनी विशेष नजरसानी आहले अभियान दे दुए चरण दी शुरूआत करने जा'रदा ऐ। एहदे च करीब 51 करोड़ मतदाताएं आहले 9 राज्य ते 3 केंद्र शासित प्रदेश शामिल होडन। मतदाता सूचिएं दी नमें सिरेआ नजरसानी दी प्रक्रिया 7 फरवरी 2026 गी खीरी मतदाता सूचिएं दे प्रकाशन दे कन्नै गै समाप्त होई जाहगा। एहू इस प्रक्रिया दा दुआ गेड ऐ। एहदे शा पैहले इसी बिहार च लागू कीता गेआ हा जित्थै 30 सितंबर गी कोई 7 करोड़ 42 लख नाएं आहली खीरी मतदाता सूचि शायी कीती गेई ही। नमें गेड च अंडमान-निकोबार द्वीप समूह, लक्ष्यदीप, छत्तीसगढ़, गोवा, गुजरात, केरल, मध्य प्रदेश, पुदुचेरी, राजस्थान, तमिलनाडू, उत्तर प्रदेश ते पच्छिम बंगाल बी शामिल ना।

<><><><><><>

SC Dog Petition

बिहार विधानसभा लेई चुनांऽ प्रचार दा पैहला गेड़ अज्ज संझा खत्म होई जाह्ग। 18एं जिलें दे 211 असेंबली हल्के च अज्ज संझा 5 बजे प्रचार खत्म होई जाग। इस गेड़ लेई मतदान 6 नवंबर गी सख्त सुरक्षा बंदोबस्ते च होग। राश्ट्री जनतांत्रिक गठबंधन, महागठबंधन ते होर दुए पार्टिएं दे सीनियर लीडर ते स्टार प्रचारक अज्ज संझा 5 बजे तगर मतदाताएं गी लुभाने लेई प्रचार करडन।

<><><><><><>

Prez. Kainchi Dham

राश्ट्रपति द्रौपदी मुर्मू अज्ज बड्डलै नैनीताल च नीम करोली बाबा हुंदे आश्रम केंची धाम मंदिर प्रबंधन नै आखेआ जे राश्ट्रपति हुंदी इस यात्रा दे कारण श्रद्धालुएं गी अज्ज दपैहरी 12 बजे दे परैंत मंदिर दर्शन करने दा आग्रह कीता गेआ ऐ। राश्ट्रपति मुर्मू अज्ज नैनीताल च कुमाउं विश्वविद्यालय दे 20में दीक्षांत समारोह च बी भागीदारी करंगन। उत्तराखंड दे त्रै दिनें दे दौरे दे दुए दिन राश्ट्रपति होर कल नैनीताल पुजियां हियां।

<><><><><><>

Romania-India

रोमानिया नै हर बरे 30 ज्हार हुनरमंद भारती पेशेवरें गी रोजगार उपलब्ध करोआने दी अपनी इच्छा जाहिर कीती ऐ। बपार ते उद्योग राज्यमंत्री जितिन प्रसाद ते रोमानिया दे श्रम, परिवार, युवा ते समाजी इकजुटता मंत्री पेट्रे फ्लोरिन मनोले हुंदे बश्कार बुखारेस्ट च लग्गी दी इक बैठक दरान हुनरमंद भारती पेशेवरें गी कम्मै पर लाने दी इच्छा जाहिर कीती गेई। बंज बपार ते उद्योग मंत्रालय आसेआ कल जारी इक बयान मुजब दवें पक्खें रोमानिया च तकरीबन 1 लक्ख गैर यूरोपीय संघ कम्मगारें दी सलाना जरूरत पर ध्यान केंद्रित कीता।

<><><><><><>

PM-Mera Booth

भारती जनता पार्टी दे वरिष्ठ नेता ते प्रधानमंत्री नरेंद्र मोदी मेरा बूथ सबसे मजबूत पैहल दे अंतर्गत अज्ज बिहार दी महिलाएं कन्नै संवाद करडन। सोशल मीडिया पोस्ट च मोदी होरें संवाद आस्तै उतसाह व्यक्त करदे होई आखेआ जे बिहार विधानसभा चुनां च भाजपा-एन.डी.ए गठबंधन दी जित्त सुनिश्चित करने लेई महिलां पूरी लग्न कन्नै योगदान देआ'रदियां ना। उनें आखेआ जे इस अभियान च उंदी सक्रिय भागीदारी बिहार च लोकतांत्रिक प्रक्रिया गी मजबूत करा करदी ऐ।

<><><><><><>

Israel-FM

इजराइल दे विदेश मंत्री गिदोन साआर भारत दी यत्रा पर ना। ओह अज्ज नमीं दिल्ली च विदेश मंत्री डॉ. एस. जयशंकर हुंदे कन्नै बैठक लाडन। विदेश मंत्रालय नै दस्सेआ ऐ जे भारत ते इजराइल रणनीतिक सांझेदारी ते दपक्खी राजनीतिक सरबंध सांझा करदे ना। दवें देशें दे बश्कार सरबंध गर्मजोशी आहले ते दूरदेशी ना। साल 2022-23 च दवें देशें सांझे रूप कन्नै दपक्खी सरबंधें गी पूरे राजनयिक सरबंधें तगर पुज्जे दे 30 बरें पूरे होने दा जश्न मनाया। मंत्रालय नै दस्सेआ जे दवें देशें दे बश्कार सभ्यतागत सरबंध ज्हारां सालें कोलां मते पुराने ना।

<><><><><><>

India-US Ties

रिपब्लिकन कांग्रेसी ते डिंडिया कॉक्स दे सह अध्यक्ष रिच मैक कार्मिक होरें भारत-अमरीका सांझेदारी गी होर निगार बनाने दा आह्वान कीता ऐ। उनें आखेआ ऐ कि दवें मुख्य मिलिये कुल संसारी शांति आहली बक्खी इक होर पीढ़ी दी शुरूआत करी सकदे ना। हडसन इन्टीच्यूट च इक कार्यक्रम च बोलदे होई मैककार्मिक होरें आखेआ कि ट्रम्प प्रशासन गी भारत खलाफ अपनी टैरिफ नीति गी लेइयै सौहगा-सतर्क रौहने दी बी सलाह दिती। उनें भारत दे अंतरिक्ष कार्यक्रम ते 2023 च चंद्रमा दे दक्खनी ध्रुव कश कामयाबी कन्नै अंतरिक्ष यान तोआरने आहला दुनिया दा पैहला मुख्य बनने दी ओहदी उपलब्धि दी बी तरीफ कीती। दा पैहला-पैहला मामला सामने आया हा।

ओहदे बाद डब्ल्यू.एच.ओ नै मुखे दे सेहत मंत्रालय गी रेबीज टीके दियां 6 ज्हारां खुराकां ते इम्यूनोग्लोबिन दियां 2 ज्हा खुराकां भेजियां हियां। एहदे अलावा बी 31 अगस्त गी डब्ल्यू.एच.ओ आसेआ खरीदी गेदी वैक्सीन दी 10 ज्हार बाद्दू खुराकां ते आर.आई.जी दी इक ज्हार खुराक डिली गी दिती गई ही।

<><><><><><>

India-Timor Leste

भारत नै अलकाह यानि रेबीज दे फैलने गी रोकने च टापू आहले मुख तिमोर लेस्ते गी अलकाह प्रतिरोधक छमता आहली दोआई इम्यूनोग्लोबुलिन दियां 2 ज्हार शीशियां ते रेबीज टीके दियां 10 ज्हार खुराकां भेजियां न। भारत नै ग्लोबल साउथ दे देशें लेई इक भरोसेमंद ते निर्भर रेही सकने आहले सेहत भ्याल दे रूपै च अपनी भूमिका निभांदे होई एहू खेप भेजी ऐ। विश्व सेहत संगठन मुजब तिमोर लेस्ते च मार्च 2024 च माहनू च अलकाह

<><><><><><>

FIDE-Chess

श्रम ते रोजगार मंत्री मनसुख मांडविया होर अजै थमां 6 नवंबर तोड़ी दोहा च लगने आहले दुए विश्व समाजी विकास शिखर सम्मेलन च भारती प्रतिनिधिमंडल दा नेतृत्व करडन। शिखा सम्मेलन दुरान डॉ. मांडविया अंतरराष्ट्री श्रम संगठन दे समाजी न्याऽ लेई कुल संसारी गठबंधन बारै आयोजित होने आहले मंत्री सतह दी गल्लबात च बी हिस्सा लैडन ते भारत दे सामे ते पूरे-पराते विकास आहले नजरिए गी बी सांझा करडन। उंदा समाजी विकास दे 3 आधार स्तम्भें गी निगार बनाने बारै लगने आहले इक उच्ची सतह दी गोलमेज कांफ्रेंस गी संबोधित करने दा बी कार्यक्रम ऐं

<><><><><><>

FIDE-Chess

भारत दे ग्रैंड मास्टर नारायणन एस.एल ते ग्रैंड मास्टर दिप्तायन घोश नै अपनियां दवें रैपिड गेमां जित्तियै फिडे विश्व कप 2025 दे दुए गेड च अपनी थाहर पक्की करी लैती ऐ।

तोआई, अरोन्यक घोश नै कल पणजी च पैहले गेड़ दे टाईब्रेकर दे दुए राउंड च शानदार प्रदर्शन करदे होई उंदा साथ दित्ता। फिडे विश्व कप इक्कले एलिमिनेशन नॉक आउट टूर्नामेंट दे रूपै च खेड्डेआ जंदा ऐ ते ऐकती एह्दे च 82 मुल्ले दे 206 खडारी विश्वनाथन आनंद कप लेई मुकाबले च न। तोआई 6 भारती खडारिएं जंदे ऐतवारें दुए गेड़ लेई अपनी थाहर पक्की करी लैती ही ते हुन ओहू 8 उनें खडारिएं च शामिल होई जांगन जिनेंगी प्रतियोगिता च सिरे दे 50 रैकिंग आहले खडारिएं च शामिल होने दे कारण पैहले गेड़ च 'बाई' मिली ही।

<><><><><><>

BCCI-SI Crore Prize

भारती क्रिकेट कंट्रोल बोर्ड (बी.सी.सी.आई) नै भारती महिला क्रिकेट टीम दी खडारनें, सौहृगी स्टाफ ते चयन समिति गी इतिहास च पैहली बारी आई.सी.सी महिला क्रिकेट विश्व कप जित्तने गी ऐतिहासिक उपलब्धि दे सम्मान च 51 करोड़ रपे दे नकद पुरस्कार दी घोशणा कीती ऐ। बी.सी.सी.आई नै इक बयान च आखेआ ऐ जे सहयोगी स्टाफ ते हरेक हितधारक नै देश भर दे लक्खें प्रशंसकें दी आकांक्षाएं गी पूरा करदे होई असाधारण प्रदर्शन कीता ऐ। इस ऐतिहासिक जित्त पर बी.सी.सी.आई अध्यक्ष मिथुन मन्हास होरें आखेआ जे टीम दी प्रतिमा ते इकजुटता नै स्थाढ़े देशें दी मेदें गी बदाया ऐ ते एहू जित्त बी.सी.सी.आई आसेआ विश्व स्तरीय महिला कार्यक्रम दे निर्माण च लाए गेदे निवेश ते विश्वास गी दर्शादी ऐ।

<><><><><><>